

**IZVOD IZ TRANSKRIPTA SA 23. SJEDNICE SKUPŠTINE ZENIČKO-
DOBOJSKOG KANTONA ODRŽANE 26.01.2016. GODINE, U KOME JE
SADRŽANA RASPRAVA ZASTUPNIKA SKUPŠTINE PO T/2 "NACRT ZAKONA O
POZORIŠNOJ DJELATNOSTI"**

ZASTUPNIK IBRAHIM PLANČIĆ

Zahvaljujem predsjedavajuća. Ma evo naravno ministar je rekao sve ovo što se tiče Zakona, Zakon je u nacrtu i naravno biće onaj, mogućnosti da se interveniše na njega u redovnoj proceduri, međutim evo ja lično hoću da istaknem neke stvari koje sam uočio, iznio sam to i na Komisiji za obrazovanje, ali ipak volio bih da uđe i u domen ove javne rasprave. Prevažhodno, odnosi se na član 28. stav 1., koji kaže:

„Upravni odbor može imati 3 člana“, ja smatram da ne smijemo ostaviti terminologiju može imati, da ovdje treba da stoji: „Upravni odbor pozorišta ima 3 člana“, i shodno tome da se koriguje i stav 2. Dakle, onda da se kaže da „2 člana Upravnog odbora imenuje osnivač, a preostali 1 član“, a ne 2/3 i 1/3. Također, mislim da i u članu 37. koji tretira imenovanje i razrješenje direktora u stavu 3, koji kaže: „Direktor pozorišta imenuje se na period od 4 godine, uz mogućnost ponovnog izora i imenovanja.“ Ja smatram da ovdje poslije riječi „uz mogućnost ponovnog izbora“ treba da stoji: „na još jedan uzastopni mandat.“ Dakle, na dva uzastopna mandata se ograniči mandat direktora pozorišta, jer smo tako i u drugim javnim ustanovama regulisali i shodno tome dakle, ista primjedba se odnosi i na sastav Nadzornog odbora, dakle, Nadzorni odbor da ima 3 člana. I evo na kraju mogu da kažem da će Klub zastupnika SDA u Skupštini Zeničko-dobojskog kantona, podržati predloženi Nacrt Zakona. Zahvaljujem.

PREDSJEDAVAJUĆA SKUPŠTINE DRAŽENKA SUBAŠIĆ

Zahvaljujem, gospođa Ugarak

ZASTUPNICA MELDINA UGARAK

Ja ću samo kratko, želim da iznesem samo stav Kluba Saveza za bolju budućnost, mi ćemo podržati Nacrt Zakona o pozorišnoj djelatnosti i da predložim jedan zaključak, a to je da se rasprava prolongira na 30 dana, a ne 15 dana mislim da nije onaj, dovoljno vremena za javnu raspravu eto to je.

PREDSJEDAVAJUĆA SKUPŠTINE DRAŽENKA SUBAŠIĆ

Zahvaljujem, ukoliko više nemamo prijavljenih za diskusiju, imamo sada dva znači stava jedan je stav Komisije, jedan prijedlog gospođe Ugarak, pa molim da predstavnike komisije i v.d. predsjednicu Kluba SBB-a, da usaglasite da li se ide sa 15 ili 30 dana i naravno da to uskladite i sa potrebama Ministarstva.

Pauza 5 minuta mislim da je to smisao, mislim da je dovoljna jedna rečenica da se usaglase da...

PAUZA 5 MINUTA

Ministre da li je vama prihvatljivo 30 dana.....